

LIBURU ESKAINTZA

2023ko **Negua**




Garena ikasteko
para entendernos
pour se comprendre

Liburuak irakurriz eta irakurriz dena ikasten zela uste zen antzina. Gaur egun badakigu den-dena ez dagoela liburuetan; euskara ikasteko ere liburuak baino gauza gehiago behar ditugu, bai. Halere, liburuek hortxe jarraitzen dute eta, guzti-guztia ekarri ez arren, kontu ugari aurkituko dituzu.

Batzuek euskara ikasten lagunduko dizute: euskaraz idatzitako istorioek, historiak eta poemek. Horietan, benetako eta fikziozko euskaldunak zuri mintzatuko zaizkizu liburuetako hitzen bidez, eta irakurriko dituzu hainbat izen, aditz, berba, pasarte eta paragrafo zuretzat patxadaz prestatuak, patxadaz irakur ditzazun.

Beste batzuek, berriz, euskara ikasten ari zarela ahantzaraziko dizute. Ezagutuko dituzu lekuak, pertsonak, istorioak eta sentimenduak: poza, beldurra, barrea, harridura... Murgilduko zara letren itsaso batean, eta hantxe gozatuz euskara ikasiko duzu euskara ikasten ari zarela ahaztuta.





EUSKAL HERRIKO 40 EMAKUME

Kuxkuxeroa zara? Gustatzen zaizu zu jaio baino lehen zure herrian zer gertatu zen jakitea? Eta mota askoko jendea ezagutzea? Orduan, hau da zure liburua. Hemen ezagutuko dituzu gure gizarteari egindako ekarpenagatik erreferentzia diren Euskal Herriko emakumeak eta gizataldeak. Belaunaldi berrientzat erreferentzia diren eta jada hilik dauden emakume hauei historiari ez die merezi duten errekonozimendua eman. Eremu guztietako emakumeek lortu zituztenak ezagutaraziko dizkigute: idazleak, kazetariak, pedagogoak, bertsolariak, margolariak, argazkilariak, ilustratzaileak, sukaldariak. Ilustrazio deigarriak dituen liburua da eta teknika desberdinak erabili dira: akuarela, koloretako arkatzak, collage. Has zaitetz emakume hauek ezagutzen, aho zabalik utziko zaituzte.

Maila: B2

Urtea: 2023

Orr: 92

Prezioa: ~~19~~ - 16,15 €



MIÑAN

Amets Arzallus Antia

Gineako hiriburutik Nzerekorera mila eta hirurehun bat kilometro daude. Ibrahim han ibili zen hiru edo lau urtez, kamioi batean, gidari batek aprendiz onartu zuelako. Aste batean Konakrytik Nzerekorera joaten ziren, eta hurrengo astean Konakryra itzuli. Egun batean amak deitu zuen arte: anaia txikia falta zen etxean. Eta haren bila abiatu zen. Basamortua gurutzatu; pasatzaile, polizia, bahitzaileekin topo egin; egarria, gosea, mina ezagutu. Afrikatik Europarako bidea.


Mediterranea zeharkatzen dutenak deshumanizatzea ezinbestekoa da haien heriotzen, kanporatzeen, ilegalizatutako bizitzaren gaineko ezaxola zabaltzeko. Baina bizitza horietako bakoitza bakarra da eta, beraz, unibertsa. Eta kontatzeak hori azpimarratzen du. Ibrahim Balderen bizitzaren kronika da nobela hau, hark ahoz eta Amets Arzallusek letraz idatzia. Berezia duelako zauria, eta berezia kontatzeko manera. Hitz egitean han balego bezala.

Maila: B2

Urtea: 2019

Orr: 152

Prezioa: ~~17,50~~ - 14,90 €



JUANA

Jon Artano

Juana nork eta zergatik hil zuen ulertzeko, krimena gertatu zen tokira bidaiatu, lekukoekin mintzatu, eta ikerketako agiriak arakatu ditu Jon Artanok. Behatxuloa dago orriotan Amerikako gatazka armatu zaharrenari begiratzeko, horko logika makabroa ulertu eta biktimia bakoitzak inguruan sortzen duen samina sentitzeko. Literaturaren saskitik hartutako aparailuez txirikordatu du egileak Juanaren eta haren familiaren historia. Eta kazetaritzak zor duen zorroztasuna muturreraino eramanaz egin du hori, gerra garaiko Bizkaia eta gaur egungo Kolonbiako ertzik basatiene lotuz epopeia harrigarrian; Jose Antonio Agirreren bulegotik Tribug-ko oihan abarotsura, Afganistanen barrena. Debako Udalak eta Elkar argitaletxeak antolaturiko Tene Mujika bekaren irabazlea.

Maila: B2

Urtea: 2023

Orr: 176

Prezioa: 20 – 17 €



BEKATUA

Goiatz Labandibar


Ezezagun baten ohean esnatu da Garazi; ondoan duen gaztea ez da <<bere Axi>>. Pentsamenduak korapilatu zaizkio protagonistari, bezperan edan zituen marrubizko tekila txupitoak bere sabelean nola. Egoera berriak haren ordu arteko bizimodua, harremanak, ziurtasunak eta usteak irauliko ditu. Bakarriketa maistraki darabil Goiatz Labandibarrek Bekatua eleberrian. Tragikomedia honetan, protagonistaren ahots organiko eta hordigarriak txundituta utziko du irakurlea.

Maila: B2

Urtea: 2023

Orr: 96

Prezioa: 15 – 13 €



EMAKUME IZOZTUA

Annie Emaux

Hogeita hamar bat urte ditu emakumeak: irakaslea da, lanpostu on bat duen senar batekin ezkondua, bi ume, etxe atsegin bat Alabaina, izozturik dago.

Maila: B2-C1

Urtea: 2023

Orr: 200

Prezioa: 20 - 17 €



DIMISIOA

Juan Luis Zabala

Bukatu da. Gizakiak dimititu egin du eta AGK Agintaritza Global Konputarizatuaren eskuetan gelditu da mundua. Dena da berria hemen: BKS Banakako Konexio Sistema, IZE Ilargiko Zerbitzu Estazioa, ONO Osasun Neurgailu Orokorra, LBG Lurraren Behaketarako Sateliteak, COVID-37 gaitz birikoa...

Azkar etxekotu ditu gizakiak, ordea, eta Donostiako kaleetan androide polizien azpitik dabil orain, Arbas haranean bizikleta gainean hegan, Ilargitik jaiotetxearen eraisketa behatzen. Euskal Herri independentea, iritzilari neuronal, zituenik ez zekien umeen aita, Bowieren itzala, Marteko margolari helduaren desira, adimen artifizialaren meneko editorea eta beste gurutzatzen dira, hala, hamabost kontakizun hauetan.


Egungo politiken biharko agertoki posibleak dira Juan Luis Zabalak zientzia fikziora egin duen hurbilpenean irudikatu dituenak. Irakurlearen esku dago erabakitzea Dimisioa distopia goxoa den, edo utopia triste eta etsia.

Maila: C1

Urtea: 2023

Orr: 160

Prezioa: 17,50 - 15 €



ARRAKASTA

Jasone Osoro Igartua

Arrakasta gaitzat hartuta idatzitako saiakera, gure artean hainbat arlotan arrakasta izan duten gizon-emakumeak elkarriketatuta eta haien hitzak zein Osororen beraren gogoeta propioak bilduz osatutakoa. Hauexek dira liburuko protagonistak: Jon Garaño, Itziar Ituño, Izaro, Gorka Urbizu, Maider Egues, Harkaitz Cano, Eneko Atxa, Markel Irizar, Aizpea Goenaga, Eva Domingo, Joxemari Agirretxe (Porrotx).

Maila: C1

Urtea: 2023

Orr: 196

Prezioa: 20 - 17 €



LOAK EZKUTATZEN DUENA

Patxi Zubizarreta


Insomnioari buruzko erreportaje bat egin behar du Adelak, lan egiten duen aldizkariarentzat, eta horixe izango da eleberraren abiapuntua, gero hainbat pertsonaia, sare eta abarretan korapilatuko dena.

Maila: C1

Urtea: 2023

Orr: 216

Prezioa: 21 - 18 €



ARGIALDIAK

Miriam Luki

Ogiaren usaina eta izuarena. Hitzen pisua eta iraganarena. Nola eraman guztiak gorputz bakarrean? Zer esan merezi izan ote duen jakin nahi duenari eta zer prestatu azkena izango den afari handirako? Noraino garen ahizpa eta zenbat gehiago iraun dezakeen ihartzen utzitako laguntasunak; zenbat trago izango ziren denera, zenbat airean kiskalitako hegazkinak.

Gisa horretako galderak dabilta Miriam Lukiren estreinako ipuin liburuko protagonisten buruetan. Maitale, lagun, senide zein klase arteko harremanen eratak behatu ditu idazleak bederatzi kontakizun hauetan, nola, isiltzearen isiltzez, zerbait pitzatzen den azkenean eta tartetik argi-zirrinta bat sartu, joan edo geratu, ezinbestean erabaki behar ez dela ohartuz.

Maila: C1

Urtea: 2023

Orr: 104

Prezioa: ~~16~~ - 13,60 €



OSO LATZA IZAN DA

Xabier Mendiguren Elizegi

Joxe Arregiri, hil ostean, Zizurkilgo hilerrian ezkutuan egin zizkioten argazkien historia berreraikitzen du nobela labur honek, han protagonista izan ziren hiru lagunak bizitzak aletzen: Joxe Arregi bera, Bixente Amezttoi pintorea eta Juan Kruz Unzurrunzaga ekintzaile eta arte-promotorea.

Maila: C1-C2

Urtea: 2023

Orr: 104

Prezioa: ~~19~~ - 11 €



NIRE MINAREN ETXEAN

Iñigo Antsorregi Dierrez

Ez da txantxetako gaia: liburu honen egilea, Iñigo Antsorregi Dierrez, bere burua hiltzeko zorian egon zen, agur-mezua ere prestatuta, depresioak horraino eramanda.

Ez da txantxetako kontua, baina idazleak broma giroan kontaktu nahi izan digu bere prozesua: zerk piztu zion gaitza, nola iritsi zen horra, nola sentitzen zen egun haietan, eta baita nola lortu zuen ateratzea.


Ez da txantxetako arazoa gaixotasun mentalek daukaten zabalkundea eta gizartearen sortzen duten estigma. Horregatik da bi aldiz eskertzekoa autorearen lana, bere minaren etxea jendaurrean erakustegatik eta egoera horretan dauden guztiei laguntzeagatik.

Maila: B2

Urtea: 2022

Orr: 132

Prezioa: ~~14,50~~ – 12,35 €



PANTAIEN GARAIPENA

Iñigo Martinez Peña

Iñigo Martinez Peñak begi zorrotza duela esan nezake eta gure gizartearen argazki izugarria eskaintzen digula, baina nahiago dut esan usaimen fina duela. Eta ezin uka: usain txarra du bizi garen gizarteak. Liburuan aurrera egin ahala, kiratsa: botereak erabat garden nahi gaitu, boterea bera sekula garden izango ez den arren; kaleak eta lanpostuak bideozaintzaz beteta dauzkagu eta etengabe zelatatzen gaituzte; nahiago dugu GPSari itsatsita egin bidea, bila gabiltzana non dagoen ingurukoren bati galdetu baino; kaleak gehiegi argizatzeak loaren kalitatean eragiten digu, besteak beste; paisaia edo leku berri batera iritsita, hura argazkietan jasotzen tematzen gara, momentua disfrutatzea ahaztuta; giza jokabideen determinismoa aurreikusten ahalegintzen gara, erabakiak hartzeak dakarren erantzukizunak izututa-edo. Kaleidoskopio zoro batean bizi gara.

Maila: C1

Urtea: 2023

Orr: 140

Prezioa: ~~4,50~~ – 12,35 €



ZAINTZAREN HARIAK

Felix Arrieta Frutos

Ez dago zaintzaren inguruan nahitaezkoa zaigun eztabaida baino auzi garrantzitsu eta premiazkoagorik gaur egun. Pandemiak sozialki birdefinitu gaitu guztiak, eta bereziki adinekoak. Adineko gehienek zaintza gehiago eskaintzen dute (beren familian, maila komunitarioan eta abar luzean) sistema publikoari eskatzen diotena baino. Beren kontu-balantze soziala positiboa bada ere, autodeterminatzeko gaitasunik ez duten egoiliar gisa definitu ditugu, zaindu beharrekoak, familian eta ingurunean betetzen duten funtzio sozialaz gabetuta, gastu-iturri gisa.

Maila: C1

Urtea: 2023

Orr: 92

Prezioa: ~~11,50~~ – 9,80 €



PARA BELLUM

John Andueza

Euskal Herrian ia ehun urtez luzatu den gerra batek ondorio latzak utzi ditu etxe askotan. Etxe gehiegitan. Elgetako Txapartegi eta Otalora baserrietan, kasu, umetako lagun minak aspaldi hasi ziren elkarren kontra borrokan, auzokoak arerio bihurtuta. Bakearen izenean egin zuten gerra.

Maila: B2-C1

Urtea: 2023

Orr: 180

Prezioa: ~~15,50~~ 13,50 €



GEZURREN HABIA

Jabi Elortza Antia

Asteburu bateko goizaldean. Alaba nerabea etxean agertzen ez dela-eta, Ertzaintzari deitu diote gurasoek. Agente pare bat ohikoa dirudien kasua ikertzen hasiko da. Alabaina, galdeketetan sakontzen duten neurrian mataza gero eta korapilatuago ageri da; orduak aurrera egin ahala gezurra gezurraren gain pilatzen dela sentituko dute ertzainek, eta ez dagoela familia horretan kiderik esaten duena sinetsiko diotenik.

Maila: C1

Urtea: 2020

Orr: 208

Prezioa: ~~17,50~~ – 15 €



MAGALI EZ DAGO BAKARRIK

John Andueza Altuna

Egun zailak bizitzen ari dira Bergarako institutuan, egun ilunak, egun korapilatsuak. Duela hamabost egun, bertako bi ikasle gertakari tamalgarri batean nahastu ziren, biolentzia irrazionalaren atzapar zikinetan murgilduz. Geroztik, giroa endredatu samar dago: bai eskolan, bai herrian, eta, oro har, baita Debagoiena bailara osoan ere. Hain da mingarria biolentzia. Batez ere, neska-mutil gazteak kolpatzen dituenean...

Maila: C1

Urtea: 2019

Orr: 140

Prezioa: ~~14,05~~ – 12,35 €



HAIZE LEIZEAN

Elise Dilet, Antton Hariñordoki, Ainize Butron (il.)

Haize nerabe bakartia da, amarekin bizi da baina azken hau zainetarik eri da. Musikan trebe da Haize eta etxetik urrun den musika eskola famatu batean sartzeko proposamena heldu zaio: hautu bat egin behar du, ezezagunera jauzi erraldoia egin, ala bere egunerokotasunean egon, amaren ondoan. Behin, kolegioarekin, lzturitzeko leizeetara doa bisita baten egitera eta han Madelaine aroko neska gazte baten baitan gorpuztuko da.

Maila: C1-C2

Urtea: 2023

Orr: 120

Prezioa: ~~11~~ – 9,50 €



**ARIAN A1.1
IKASLEAREN LIBURUA**
(CD + erantzunak + transkripzioak)
Prezioa: ~~26~~ - 22 €



**ARIAN A1.1
LAN-KOADERNOA**
(+erantzunak)
Prezioa: ~~14,25~~ - 12,10 €



**ARIAN A1.2
IKASLEAREN LIBURUA**
(CD + erantzunak + transkripzioak)
Prezioa: ~~26~~ - 22 €



**ARIAN A1.2
LAN-KOADERNOA**
(+erantzunak)
Prezioa: ~~14,25~~ - 12,10 €



**ARIAN A2.1
IKASLEAREN LIBURUA**
(CD + erantzunak + transkripzioak)
Prezioa: ~~28~~ - 23,80 €



**ARIAN A2.1
LAN-KOADERNOA**
(+erantzunak)
Prezioa: ~~18,95~~ - 16,10 €



**ARIAN A2.2
IKASLEAREN LIBURUA**
(CD + erantzunak + transkripzioak)
Prezioa: ~~28~~ - 23,80 €




**ARIAN A2.2
LAN-KOADERNOA**
(+erantzunak)
Prezioa: ~~18,95~~ - 16,10 €



**ARIAN B1.1
IKASLEAREN LIBURUA**
(CD + erantzunak + transkripzioak
+ entzungaiekin)
Prezioa: ~~26~~ - 22,10 €



**ARIAN B1.1
LAN-KOADERNOA**
(+erantzunak)
Prezioa: ~~19~~ - 16,15 €



**ARIAN B1.2
IKASLEAREN LIBURUA**
(CD + erantzunak + transkripzioak)
Prezioa: ~~28~~ - 23,80 €



**ARIAN B1.2
LAN-KOADERNOA**
(+erantzunak)
Prezioa: ~~19~~ - 16,15 €



**ARIAN B2.1
IKASLEAREN LIBURUA**
(CD + erantzunak + transkripzioak)



**ARIAN B2.1
LAN-KOADERNOA**
(+erantzunak)
Prezioa: ~~16,50~~ - 14 €



**ARIAN B2.2
IKASLEAREN LIBURUA**
(CD + erantzunak + transkripzioak)
Prezioa: ~~28~~ - 23,80 €



**ARIAN B2.2
LAN-KOADERNOA**
(+erantzunak)
Prezioa: ~~16,50~~ - 14 €



**ARIAN C1
IKASLEAREN LIBURUA**
Prezioa: ~~28~~ - 23,80 €



**ARIAN C1
LAN-KOADERNOA**
(+erantzunak)
Prezioa: ~~19~~ - 16,15 €



TANGO NOIZEAN BEHIN (+CD)

Miren Agur Meabe Plaza / Alex Orbe Ferreiro (il.)

Malena au pair gisa etorri da Buenos Airestik Euskal Herriko kostaldeko familia batera, haurrak zaindu eta etxeko lanak egitearen truke euskara ikastera. Familia horretan dagoen denboraldian, hainbat jenderekin harremanak izango ditu, batzuk atseginak eta beste batzuk mingotsak, eta aspaldi-aspaldi Argentinara joan zen birraitonaren baserria ezagutzeko aukera ere izango du.

Maila: A1

Orr: 72

Prezioa: ~~13,90~~ - 11,90 €



OTSOA (+CD)

Josu Lartategi / Pedro J. Colombo (il.)

Otsoa lasai bizi da bere mendi eta zelaietan, elikagaia eskuratu eta familia zainduz. Otsoaren mundura etsai bat heldu da: gizakia. Eta gizakia etsai beldurgarria eta krudela da. Baina zer gertatuko da borroka horretan otsoa ere beldurgarria eta krudela denean? Nor nagusituko ote da?

Maila: A1

Orr: 62

Prezioa: ~~13,90~~ - 11,90 €



BORROKALARI ARGITSUAK (+CD)

Miren Agur Meabe Plaza / Alex Orbe Ferreiro (il.)

Zenbait emakumeren eta horien lagunen, bikotekideen, senideen... arteko harremanen berri ematen digu Borrokalar argitsuak izeneko liburu honek. Gaur egun, gure inguruko edozein tokitan aurki ditzakegu antzeko bizimodu nekoso eta korapilatsuak. Hala ere, pertsonaia guztiak dira borrokalariaik: aurrera egin nahi dute, bakoitzak bere bizitza menderatzeko.

Maila: A1

Orr: 72

Prezioa: ~~10,90~~ - 11,90 €



SIBERIAKO LOREA (+CD)


Josu Lartategi Yustos / Pedro J. Colombo Lopez (il.)

Andre zaharraren bizitza lasaia da. Bat-batean, norbaitek dei mehatxugarriak egingo dizkio. Telefono-dei horiek edozein ordutan izaten dira. Lehengo lasaitasuna infernu bihurtu da. Emakume gaztearen bizitza etorkizunik gabekoa da. Lan nekagarria egiten du telefonía-enpresa batean: ordu asko eta diru gutxi. Baina itxaropen eskaseko bizitza hori gotik behera aldatu da.

Maila: A1

Orr: 64

Prezioa: ~~10,90~~ - 11,90 €




NAIA CHINATOWN INGURUAN (+CD)

Alvaro Rabeli / Pedro J. Colombo Lopez (il.)

Naia neska gaztea ez da Archer detektibe famatua, ez da Los Angeles-en edo New York hirian bizi. Naia gure artean bizi da, hemengoa da, titaniozko museoaren ondoan ibiltzen da egunero. Naia emakume langilea eta ikaslea da. Naia hirikoa da, gaurko kultura anitzeko hirian bizi da. Naiak ez du detektibe bokaziorik, baina lan egin behar du bizimodua ateratzeko. Naia zinema beltza da. Naia gure bizitzaren itsasgora eta itsasbehera da. Naiak guk bezala sufritzen du, maitatzen du. Naia Chinatown da, Jack Nicholson gabe.

Maila: A1 **Orr:** 76 **Prezioa:** ~~10,90~~ - 11,90 €



MALETA BAT IGOGAILUAN

Andoni Tolosa "Morau", "Mattin" (il.)

Hectorrek A1 maila egin du euskaltegian eta ikasturte osoa egunerokoan jaso du. Oso pozik dago Hector: lagun berriak egin ditu eta kalean euskaraz hitz egiten hasi da. Biba! Baina ikasturtea ez da beti samurra izan: urduritasuna, poza, lotsa, frustrazioa, harrotasuna, haserre, maitasuna... emozio-festa da euskaltegia! Eta eguneroko hau, euskaltegitik bizirik ateratzeko formula.

Maila: A1 **Orr:** 92 **Prezioa:** ~~10,90~~ - 11,90 €



OIHENARTEA EZ HUNKI

Bea Salaberri / Adur Larrea (il)


BERRIA

Peiok Oihenartea etxaldean du bizitokia eta lana. Maite du laborari-lana, lurra, natura eta Baigorriko bizimodua. Bere ametsa da horrela bizitzea: zoriontsu da gustuko bizimoduan, maite duen familiarekin eta lagunekin. Baina bat-batean Peio desagertu da.

Non da? Zer gertatu zaio? Peioren desagertze misterioak kezka sortu du. Gainera Oihenartea etxaldea ere arriskuan da.

Oihenartea ez hunki istorioak misterioa eta elkartasuna lotzen ditu, eta egungo Ipar Euskal Herria eta espekulazioaren arazoaren errealitatea agertzen ditu.

Maila: A1 **Orr:** 92 **Prezioa:** ~~10,90~~ - 11,90 €



KRESALAREN TABERNA(+CD)


Miren Agur Meabe / Iñaki Holgado (il.)

Emakume batek taberna bat zabaldu du hondartzan, aldi berri bat hasi nahi duelako. Banatuta dago eta ez dauka haurrik, soilik etorkizun zehazgabe bat. Zer da zoriona? Nola onartu bakardadea? Non geratzen dira okerrak? Horiek dira bere galderatako batzuk itsasoari begiratzan dionean, urtaroz urtaro. Bizitzak, mareak bezala, asko kendu dio, baina agian asko ekarriko oraindik ere.

Maila: A1

Orr: 68

Prezioa: ~~10,90~~ - 11,90 €



NAIA ETA ESKULTORE ITSUA(+CD)

Alvaro Rabelli / Pedro J. Colombo (il.)

Kaleko prostituta batzuk hilda agertu dira errepide-bazterretan. Heriotza horien atzean pertsonen trafiko deitoragarria eta aberastasunaren paradisua aurkitu ez duten etorkinen bizimodu latza daude. Baina, heriotza horietan zerbait gehiago ere ezkututzen da, zerbait iluna eta ankerra, Andre de Toth zuzendariaren House of wax (1953) filmean bezala. Naia detektibe gazteak eta bere laguntzaile Margotek argitu beharko dute.

Maila: A1

Urtea: 2018

Orr: 64

Prezioa: ~~10,90~~ - 11,90 €



KATU BELTZA (+CD)


John Milne / Kepa Orbe Ferreiro (il.)

Ekintzaz betetako detektibe-istorio moderno honen 7 protagonista Salahadin el Nur polizia inspektorea da. Poliziaren barnean, Antzinateko Ondasunen Sailaren egiten du lan. Egipton dagoen europar arkeologo bat hilda agertu ondoren, balio handikoa den estatua txiki bat berreskuratzeko ikerketak hasten ditu Salahadinek. Laster jarriko da nazioarteko kontrabandista-talde baten arrastoaren atzetik.

Maila: A2

Orr: 72

Prezioa: ~~10,90~~ - 11,90 €



NAIA INDIA GORRIETAN (+CD)

Alvaro Rabelli Yanguas / Pedro J. Colombo Lopez (il.)

Papiroflexia biltzar batera gonbidatuta zegoen gizon bat desagertu egin da ezustean. Haren maitaleak arrastoa galdu du. Naia detektiibe gazteak eta Margot laguntzaileak lanak izango dituzte gizona aurkitzen. Hiriko ilunpe ezezagunetara eramango ditu kasuak bi neskak, baita lur azpira ere; hiri honetako aspaldiko india gorrietara, hain zuzen ere.

Maila: A2

Orr: 72

Prezioa: ~~13,90~~ - 11,90 €



ZISNEA ETA UHARTEA (+CD)

Miren Agur Meabe Plaza / Iñaki G. Holgado (il.)

Kerman Mendizabalek bere historia kontatzen digu. Gaztea zenean, Eguzki lore hotelean lan egiten zuen. Behin, Aste Santuko oporretan, Julia ezagutu zuen eta une bereziak bizi izan zituzten; adibidez, uhartera egindako txangoa. Egun haietan, hain zuzen ere, bitxi-lapurretak gertatu ziren Bilbon, eta polizia hoteleraino heldu zen, galdezka. Egoera larritu egingo da Kermanentzat. Juliak ere alde egingo du. Orain, berrogei urte igaro eta gero...

Maila: A2

Orr: 64

Prezioa: ~~13,90~~ - 11,90 €



GEMINIKO NEBULOSA (+CD)

Josu Lartategi Yustos / Pedro J. Colombo Lopez (il.)

Antso kapitainari misio sekretua agindu diote Eurasiako Konfederazioko agintariek: Marteko Hidra basera zama misteriotsu bat eramatea. Bilbopolis megahiria atzean utzi eta, Hermes espaziontzian, bidaiari ekingo dio kapitainak. Marte planetan, ordea, ezuste ugari izango ditu. Aurkikuntza harrigarri batek munduaren eta bizitzaren ikuspegia aldatuko dio.

Maila: A2

Orr: 68

Prezioa: ~~13,90~~ - 11,90 €



LEGARRAREN DESAGERPENA (+CD)

Miren Gorrotxategi /Manu Ortega

Telmo Legarra polizia ohia herrira itzuli da, desagertutako alabaren bila hamar urtez Europan barrena ibili ostean. Etsita itzuli da, baina herrian aztarna berriak topatu ditu: Nahia desagertu aurreko Gabonetan ateratako argazki misterioitsuak Aulezti anaiak jarri ditu susmopean. Polizia-senari eutsi ezinik, berriro ekin dio ikerketari. Oraingoan aurkituko ote du Nahia?

Maila: A2

Orr: 76

Prezioa: ~~10,90~~ - 11,90 €



DAKOTA ERAIKINEAN (+CD)


Estibaliz Vivanco / Dani Maiz

Deiene Aketxetak New Yorkeko Guggenheim museoa lan-praktikak egiteko gonbite-mezua jaso du. Birritan pentsatu gabe, mezuari baietz erantzun dio. Baina gau horretan bertan, loak hartu ezinik ibili da. Erabaki ona hartu ote du? Ethan Whitefeather Guggenheimeko lan-harremanen arduraduna ezagutzean, gorputzaldi txarra berrituko zaio. Gainera, Markus bekadun-kidea Dakota eraikinari buruzko lana egiten ari da, eta Deienek eraikin enigmatikoaren misterioa sartuta ikusiko du bere burua.

Maila: A2

Orr: 76

Prezioa: ~~10,90~~ - 11,90 €



ISTANBULEN ELKARTUKO GARA (+CD)

Richard Chisholm / Alex Orbe Ferreiro (il.)

Han egon zen pixka batean Tom kale erdian, etxe ilun eta isil hari begira. - Anjela! - esan zuen poliki bere artean-. Anjela! Non arraio zaude? Handik metro gutxitara, gabardina grisdu gizona zegoen, atari ilun batean gordeta, Tomi begira. Haren mugimendu guztiak arretaz segitzen zituen... Antso kapitainari misio sekretua agindu diote Eurasiako Konfederazioko agintariek: Marteko Hidra basera zama misterioitsu bat eramatea. Bilbopolis megahiria atzean utzi eta, Hermes espaziontzian, bidaiari ekingo dio kapitainak. Marte planetan, ordea, ezuste ugari izango ditu. Aurkikuntza harrigarri batek munduaren eta bizitzaren ikuspegia aldatuko dio.

Maila: A2

Orr: 88

Prezioa: ~~10,90~~ - 11,90 €



TXIMELETAK (A2) (+CD)

Miren Agur Meabe / Iñaki Holgado (il.)

Neska txikia jaio denean, amari tximeleta zuria pausatu zaio bularrean. Sei urterekin, tximeleta more bat marraztu du amabitxirentzat, baina hego bat falta zaio. Zergatik?

Geroago, abade batek min izugarria emango dio, eta neska txikiari tximeleta munstroak agertuko zaizkio ametsetan. Etxea erre orduko, tximeleta arreak ikusiko ditu...

Tximeletek beti lagunduko diote, une goxoetan eta latzetan. Batzuetan, neska txikiak bera ere tximeleta dela pentsatuko du. Eta badaki argiak hil egiten dituela tximeletak, baina norberaren eraldaketaren sinboloa ere badirela.

Maila: A2

Orr: 68

Prezioa: ~~10,90~~ - 11,90 €



ATZAPAR ARRASTOAK (+CD)

John Landon / Alex Orbe Ferreiro (il.)

Hiru bat metro izango zen altu munstro hura. Gelako sabairaino iristen zen. Begi handi beltzei eta moko luzeari begiratu zien Larryk. Hegazti-mokoa zuen munstroak, baina hegorik ez. Besoak zituen soinetik zintzilik, luzeak eta iletsuak. Eskuetan eta oinetan, berriz, atzapar handiak zituen, gorrigorriak. -Atzapar horiek lau lagun hil dizkirate- esan zuen ahots batek.

Maila: A2

Orr: 74

Prezioa: ~~10,90~~ - 11,90 €



ENIGMAK (+CD)

Georges Simeon / Bruno Hidalgo Garcia (il.)

Sei detektibe-istorio labur, Frantziako hainbat eskualdetan eta ingurune ezberdinetan kokatuak: G. 7, Altzariak mugitzen zituen mamua, Gorpua desagertu, Hans Peter, Monceau parkeko sutea eta Desagertuen gaztelua.

Maila: B1

Orr: 72

Prezioa: ~~13,90~~ - 11,90 €



MARATON - *Athleticen historia ezberdin bat* (+CD)

Lutxo Egia / Paul Caballero (il.)

Athleticen historia jokalar handien izenez abiatzen da: Pichichi, Zarra, Iribar... edo, zergatik ez, Aduriz. Athleticen historia hori klubak berak argitaratutako liburuetan ikas dezakegu. Gure istorioa (eta Athleticen historiaren zati ttiki bat), ordea, Bilboko San Francisco auzoan hasten da 1925ean eta emakume bat du protagonista: Sara Estevez 'Maraton'.

Maila: B1

Orr: 60

Prezioa: ~~13,90~~ - 11,90 €



INFERNURANTZ (+CD)

Estibaliz Vivanco / Aritz Eiguren (il.)

Columbia Unibertsitateko Tom Bradford irakaslea 16 ustekabeen hil eta gero, Gabriel Pritchardek hildako lagunak sortutako CUMAE fundazioa ezagutuko du, Beatrice alargunaren eskutik. Aurkikuntza horrek hainbat ezusteko ekarriko dizkio Gabrieli, eta haren amesgaizto guztiak egia bihurtuko dira.

Maila: B1

Orr: 88

Prezioa: ~~13,95~~ - 11,90 €



PINKY PAILAZOA (+CD)

Josu Lartategi Yustos / Alex Orbe Ferreira (i.)

Kanadaren eta Estatu Batuen arteko baso zabal eta ilunek sekretua gordetzen dute. Nor da Pinky pailazoa? Nola desagerrarazten ditu ume bakartiak? Zer da, bahitzai lea ala hiltzailea? Zergatik egiten ditu halako gaiztakeriak? Richard Smith inspektoreak pista bat du, eta pista horrek Euskal Herrira eramango du.

Maila: B1

Orr: 88

Prezioa: ~~13,90~~ - 11,90 €



TITARE BETE ZORION (+CD)

Miren Agur Meabe Plaza / Enrique Morente Luque (il.)

Juanek eta Mariak elkar ezagutu dute. Juan maisu erretiratua da, eta Maria, jostuna. Elkarrekin bizitzen jarriko dira, oroitzapenak eta asmoak partekatzeko. Hala ere, garbi dute oraina dela garrantzitsuen. Konpromiso bakarra, bata besteari zorion apur bat ematea. Baina Juan gaixotu egingo da.

Maila: B1

Orr: 88

Prezioa: ~~13,90~~ - 11,90 €



IZU-ISTORIOAK (+CD)

Bram Stoker / Pedro J. Colombo Lopez (il.)

“Drakula” bezalako izu-istorioak idazten maisu izan zenaren hiru istorio:
- Epailearen Etxea - Burdinazko Emaztegia - Abel Behenaren itzulera
Mendekua da gai nagusia eta hirurak dira misteriozkoak eta hotzikara ematen duten horietakoak.

Maila: B1

Orr: 64

Prezioa: ~~13,90~~ - 11,90 €



DORIAN GRAYREN ERRETRATUA (+CD)

Oscar Wilde / Paul Caballero (il.)

–A, bai, zoriontsu gaudenean, beti izaten gara zintzoak, baina zintzoak garenean, ez gara beti zoriontsuak.

Lord Henryren hitz zorrotz eta arrisksuek mundu beldurgarri batera eraman zuten Dorian Gray gaztea; mundu hartan garrantzitsuagoa zen ederra izatea, zintzoa izatea baino; mundu hartan edozer barkatzen zen, hilketa ere bai, afalostean jendeari barre eragiteko modukoa izanez gero behintzat.

Maila: B1

Orr: 68

Prezioa: ~~19,90~~ - 11,90 €



HISTORIA ALA ISTORIOA? (+CD)

Nagore Irazustaberrena / Ruth Juan (il.)

Napoleon handia gizon txikia al zen benetan? Zein da erpurua gora keinuaren egiazko esanahia? Egia al da piratek altxorrak lurperatzen zituztela? Nork asmatu zuen gillotina? ...

Historiarekin jolas egiteko irakurgaia duzu esku artean: gertakizun historikoen bi bertsio proposatzen dira, irakurleak asmatzeko bietako zein den zuzena, non dagoen historia eta non istorioa.

Maila: B1

Orr: 79

Prezioa: ~~19,90~~ - 11,90 €



ELURRAREN PROMESA

Miren Agur Meabe Plaza, Iñaki Landa (il.)

Inesek jatetxe batean lan egiten du asteburuetan. Arte Ederretako ikaslea da eta tatuajeak gustatzen zaizkio. Larunbat gau batean istripua izango du bizikletarekin, elurraren erruz. Esnatzean, hala ere, Erdi Aroan aurkituko da eta Inexa izango da denentzat.


Nola itzuli etxera? Nola itzuli XXI. mendera?

Bizitza oso bat pasatu beharko du mundu zahar horretan, zorion eta zoritxarren artean, urteko lehen elurrak berriz ere...

Maila: B1

Orr: 64

Prezioa: ~~10,90~~ - 11,90 €



MAULE LEXTARRE

Allande Sokarros / Asisko eta Dom


Euskal Herrian ekialdeena dagoen hiriburua da Maule-Lextarre, tamainaz txikia, historia eta nortasun handikoa. Zer ziren zinbiteak? Nor da Matalaz? Non da Laminen etxea? Eta ur hotza eta epela batera ematen dituen Laminen iturria? Egun bakarrean burutzeko ibilbidean, lehengo eta egungo Maule-Lextarreraren argazki hurbila jasoko dugu, eta Zuberoan barrena egiteko itzuli polita ezagutuko.

Maila: B1

Urtea: 2019

Orr: 64

Prezioa: ~~10,90~~ - 11,90 €



BAIONA

Bea Salaberri / Asisko eta Dom


Baiona ezagutzeko gida da hau: hiriaren aztarnategiek erakusten duten antzinako Baiona zaharrean hasi eta egun sortzen ari diren auzo berrietaraino. Asteburuko ibilbidean bisitatuko ditugu Baionako karrika nabigagarriak, eraikin ikusgarriak, naturguneak, ostatuak, merkatuak, harresiak... eta baionesak! Baionako jende euskalduna.

Maila: B1

Urtea: 2019

Orr: 64

Prezioa: ~~13,90~~ - 11,90 €



BILBO

Lutxo Egia / Asisko eta Dom

Bilbon barrena bisita gidatua egiteko proposamena da hau. Orain kale bat, gero zubi bat, hurrena historia puska bat... hiriko eskulturen inbentarioa eginez abiatuko du gidariak ibilbidea Bilboko baldosetan barrena, hiri zahar, bizi eta erakargarria eraikiz, bilbotarren bizipenen bitartez.

Maila: B1

Urtea: 2019

Orr: 64

Prezioa: ~~13,90~~ - 11,90 €



DONIBANE GARAZI

Nora Arbelbide Lefe / Asisko eta Dom


Historia eta kondairaz betetako hiria da Donibane Garazi gida honetan: euskara plazara jalgiazi zuena, Nafarroako hiriburua hau ere, gerraosteko iheslerien aterpea, negozioarako hirigunea, bidaiarien eta historiaren bidegurutzea... Eta bai, Donibane Garazi ederra ere bada, polit-polita, zinez ikusgarria, harri gorritaz eraikia, mendiarte leunaren babesean.

Maila: B1

Urtea: 2019

Orr: 64

Prezioa: ~~13,90~~ - 11,90 €



DONOSTIA

Nerea Auzmendi / Asisko eta Dom


Donostian bisita gidatua egiteko proposamena da hau. Hiria ezagutzera datozen biloba gazteei izeba donostiarrek egindako ibilbidea. Tabakalerako terrazan abiatuko da, eta Sokamuturra kalekkan bukatu, Loretopera begira. Gune eta zoko baketsuen hiria proposatzen digu, jendetza zalapartatsutik ihesi.

Maila: B1

Urtea: 2019

Orr: 64

Prezioa: ~~13,90~~ - 11,90 €



GASTEIZ

Patxi Zubizarreta / Asisko eta Dom


Gasteizen barrena bisita gidatua egiteko proposamena da hau. Gidariak Gipuzkoatik iritsitako lagun-taldearekin batera korrituko ditu Gasteizko kaleak, eraikinak, parkeak, plazak, artelanak, hilerriak, tabernak, museoak, auzoak, historia puskak eta istorio osoak. Asteburu bakarrean hiri berdea goitik behera ezagutzeko aukera eskaintzen digu.

Maila: B1

Urtea: 2019

Orr: 64

Prezioa: ~~13,90~~ - 11,90 €



IRUÑEA

Enrike Diez de Ulzurrun / Asisko eta Dom

Iruñea entzutean, berehala Sanferminak etortzen zaizkigu gogora. Baina Iruñeak beste gauza asko ere baditu jaiez gain, eta horietako batzuk biltzen ditu gida honek. Ibilbide bat proposatzen du kalez kale, plazaz plaza, txokoz txoko denetariko kontuak azalduta, bertakoentzat zein bisitarientzat jakingarriak, eta askotan, ezezagunak.

Maila: B1

Urtea: 2019

Orr: 64

Prezioa: ~~13,90~~ - 11,90 €



APAIZ GERRILLARIAREN EZKUTALEKUA (+CD)

Ander Izagirre / Maite Mutuberria (il.)

Aramaioko mendietan badago sarrera estuko kobazulo bat, azeriak bakarrik sartzeko modukoa. Hantxe ezkutatu zen apaiz gerrillaria, afusilatu nahi zutenengandik ihesi. Kobazuloa ezagutuko dugu, baita Euskal Herriko beste bederatzi txoko eta sekretu ere: erromatarren meatzeak, munstro ehizatarien etxeak, dinosauroak suntsitu zituen meteoritoaren erraustsak, Erdi Aroko mezu harrigarriak.

Maila: B2

Orr: 88

Prezioa: ~~13,90~~ - 11,90 €



LAMIA

Josu Lartategi

Lamiak euskal pertsonaia mitologikoak dira. Kontakizun honetan lamia gazte baten ibilaldia ezagutuko duzu. Kostaldetik barrualdera joango da, kaio baten laguntzaz, erreka garbiei zerbait oso arraroa gertatzen ari zaielako: urek kolore gorria dute. Zergatik aldatu da uren kolorea? Zer gertatzen zaie errekei? Lamiak misterioa argitu nahi du. Horretarako, ez da bakarrik ibiliko, ez horixe! Lagun berezi-berezi batzuen laguntza izango du.

Istori honetan beste garai batean sartuko zara, garai zaharra, antzinakoa, eta pertsonaia mitologikoak ezagutuko dituzu: Tartalo, Galtzagorri, Ipoxak, Herensugeak...

Maila: A1.2

Urtea: 2016

Orr: 48

Prezioa: ~~6,95~~ - 5,90 €



ASTEROIDEA

Zaharren Egoitza leku lasaia da, lasaiegia. Bertan, zaharrek bizitza egiten dute. Hiltzeko oso denbora gutxi falta zaiela uste dute eta horregatik ez daukate itxaropen handirik etorkizunean. Nahikoa da telebista ikustea, jatea, trikotatzea, paseotxoak egitea, lo egitea... eta berriz ere dena errepikatzea. Bisitak ere badituzte, baina oso gutxitan, senideak ez direlako ia inoiz zaharrekin gogoratzen.

Egun batean, ordea, telebistak berri harrigarria eman du: asteroide erraldoia dator lurraren kontra eta munduaren azkena izango da. Une horretatik aurrera, bizitza erabat aldatuko da Zaharren Egoitzako lau atso-agurerentzat, Antontxu, Mikela, Boni eta Eukenirentzat.

Maila: A2.2

Urtea: 2016

Orr: 48

Prezioa: ~~6,95~~ - 5,90 €



BALEA

Josu Lartategi

Baleak, planeta honetako animalia handienak, arriskuan daude. Azkenak irla bakarti batean bizi dira. Bertan jolastu eta amets egiten dute, bertan maitatu eta atsedean hartu. Arriskua, hala ere, oso hurbil dute, arrantzaleak haien bila doazelako... eta gizakien odol-egarriak ez du mugarik. Baleek ondo dakite hori; horregatik, azken bidaiari ekingo diote. Urrunera joango dira, oso urrunera. Istorio honetan Haundi eta Pott izeneko baleak ezagutuko dituzu: balea zaharra eta balekumea. Horiek izango dira protagonista, kapitain krudel batekin batera. Baleak eta gizakiak aurrez aurre...

Maila: A2.2

Urtea: 2016

Orr: 48

Prezioa: ~~6,95~~ - 5,90 €



ATEJOLEA ETA IZAKI MISTERIOTSUA Beldurrezko ipuinak

Beldurrezko bi ipuin

Beldurra. Zer da beldurra?

Izaki misterioetsuen istorio beldurgarriak benetakoak ote dira?

Beharbada ez, eta gure beldurrek sortzen dituzte.

Edo beharbada gure desiren irrikek.

Baina kontuz, beharbada bene-benetakoak dira.

Eta egunen batean mamu bat zure logelan sartu nahian ibiliko da.

Edo beharbada zure desirak betetzeko aukera duzu,

baina hori ez da zuk uste bezain ona...

Bi istorio beldurgarri hauetan bezala.

Maila: A2-B1

Urtea: 2017

Orr: 80

Prezioa: ~~10,50~~ - 11,50 €



ERDI AROKO EGUNAK

Laida Martinez


Bilbo hiribildu bihurtu zeneko aroan kokatu du Laida Martinezek bere eleberria. Fikziozko lana da, baina pisu handia dute garaiko gertakari historikoek. Besteak beste, portuko gorabeherak eta Diego Lopez de Haro eta Maria Lopez de Haro pertsonaiak agertzen dira nobelan.

Maila: B1

Urtea: 2016

Orr: 96

Prezioa: ~~10,50~~ - 11,50 €



IXTEBE PELLOT AZKEN KORTSARIOA

Fernando Morillo Grande


Bizitza batzuk zailak dira sinesten. Hain dira ausart, noble, umoretsu, nekaezinak, existitu daitezkeenik ere ezin dugu ia sinetsi. Baina hor dugu Ixtebe Pellot, azken kortsarioa. Itsas-borroka etengabea, askotan hartu zuten preso. Arriskuz arrisku, sekula etsi gabe, beti egin zuen ihes. Musika eta dantza maite zituen, eta karkaraz erantzuten zion minari. Begietara begiratzen zuen. Horregatik maite zuten lagunek. Baita etsaiek ere! Hemen kontatuko dena benetakoa da, sinesgaitza iruditu arren. Prestatu. Norbait aparta ezagutzeko zorian zaude: Ixtebe Pellot, Euskal Azeria.

Maila: B1

Urtea: 2016

Orr: 72

Prezioa: ~~10,50~~ - 11,50 €



TRAIZIOA LAKUAN

Nuria Martí Constans

Bi pasioaren artean borrokan ari den neska da Ondina. Batetik Patric du, iaz ezagutu zuen kirolari ingeles bikaina, eta orain berriro itzuli dena Banyolasera, entrenatzera. Bestetik Jordi, bere oraingo mutil-lagun goxo eta lotsatia. Bihotzak ez dio garbi erakusten zer egin, eta mutilen artean ere odol usaina zabalduko da. Norekin geratuko da Ondina? Maitasun triangelua, minaz eta heriotzaz blaiturik.

Maila: B1

Urtea: 2014

Orr: 96

Prezioa: ~~10,50~~ - 11,50 €



AMAIA UDALEKUETAN

Onintze Goitiz

Gaztetxoentzako abentura liburua ondu du Goitizek, eta Irakurketa Errazeko lanen artean kaleratu Gauminek. Amaia da protagonista: jaiotzez gorra, eta gurasoek gehiegi babesten dute. Ikasturte amaieran, udalekuetara joatekoak dira haren lagunak; Amaiak ere joan nahi du, gurasoen baimenik ez badu ere.

Maila: B1

Urtea: 2015

Orr: 62

Prezioa: ~~10,50~~ - 11,50 €



RIF MENDIETAKO URA

Montse Flores Pallarès

Ahmed gaztea Rubi-n bizi da, Bartzelonatik gertu, baina marokoarra da izatez, Rif-ekoa. Tati klasekide erakargarriaz maitemindu da bere bizitzan lehendabizikoz. Celes bere lagunak kamera bat lapurtzeko eskatu dio. Ahmeden anaia zaharrena atxilotze-zentro batean da, lapurtzeagatik, eta berak tentazio horri aurre egin nahi dio. Marokoko ohiturak eta familia kontuak ere ezagutuko ditugu Ahmeden abenturan.

Maila: B1 **Urtea:** 2014 **Orr:** 64 **Prezioa:** ~~10,50~~ - 11,50 €




TXERNOBIL TXIKI BAT ETXE BAKOITZEAN

Ander Izagirre

Txernobilgo istripu nuklearra gertatu zenean, Juliak 13 urte zeuzkan eta aire librean jolasean ibili zen egun osoan. Igorrek 28 urte zeuzkan, soldadua zen eta zentralera lanera korrika joateko agindu zioten. Inork ez zien azalpenik eman. Orain Juliak erreportaje bat idatzi nahi du, Txernobilaren zer gertatu zen eta gaur egun ingurua nola dagoen kontatzeko. Igorri eskatu dio laguntza, katastrofearen garaiaz biek dituzten oroitzapenak biltzeko eta, Txernobil bisitatzen duten bitartean, ondoan lagun bat izateko.

Maila: B1 **Urtea:** 2014 **Orr:** 80 **Prezioa:** ~~10,50~~ - 11,50 €



SANTIAGO BIDEAREN MISTERIOA

Fernando Morillo

Diotenez, Santiago Bideak magia egin dezake ibiltari bakoitzaren baitan. Ulises marinela zaharra da. Bere itsasontzia hondoratu zenean, bera bakarrik atera zen bizirik, eta beldurra hartu zion bizitzari. Kemen, berriz, mutil gaztea eta irribarretsua da. Itxuraz, ezin zoriontsuagoa, bizitzaz eta bere neska-lagunaz maitemindua. Biak elkartuko dira Santiago Bidean, bakoitzak duen promesa sekretua betetzeko asmoz.

Maila: B1

Urtea: 2014

Orr: 80

Prezioa: ~~10,50~~ - 11,50 €



MUSEOKO HILTZAILEA

Josu Lartategi

Nork mehatxatu du eskultorea? Nork hil nahi du eta zergatik? Luigik laguntza eskatu dio Martin Iriberrri ikertzaileari. Diruz txarto zabiltzanean ezin diozu lan-eskaintza bati ezetz esan, nahiz eta etsai batena izan. Horixe gertatu zaio Martini. Lan erraza dirudi hasieran. Sakonago ikertzen hasi denean, ordea, ulertzen ez dituen gauza gehiegi dagoela konturatu da. Istorio beltz honetan Bilbon zehar ibiliko zara, Martin Iriberrri ikertzaile pribatuarekin. Galtzaileen eta irabazleen hiri horretan edozer gertatu ahal da, baita hilketa ikaragarriena ere.

Maila: B1.2

Urtea: 2016

Orr: 48

Prezioa: ~~6,95~~ - 5,90 €



BANABIL

BANABIL ikasgelan elkarreraginean erabiltzeko euskara-metodoa da. Komunikazioan oinarritua eta atazetan antolatua, bederatzi unitatetan egituratuta dago, Hezkuntza Arautura egokitu ahal izateko. Ikaslearen liburuua honetaz gain, B1 mailan, Lan-koadernoa, Irakaslearen gidaliburua eta material osagarri ugari osatutako Banabil gunea daude. Liburuok bertsio digitala ere badute.

Hauek dira **Ikaslearen liburuaren ezaugarriak**:

- Unitate bakoitzaren amaieran proiektua
- Unitate bakoitzeko lau atal eta atal bakoitzaren amaieran bakarka edo taldeka egiteko mikroproiektuak
- Unitate bakoitzaren hasieran berariaz sortutako bideo bana
- Gramatika- eta lexiko-txokoa

Ikaslearen liburuua: ~~26~~-22€

Lan Koadernoa: ~~21~~-18€



C1 MAILAKO IDAZLANA ERRAZ EGITEKO 150 ARIKETA

Josu Erkiaga Laka

Liburu honek euskarazko C1 mailako azterketako idatzizko proba egiten trebatzeko 150 ariketa eskaintzen ditu. Ariketak material errealetatik abiatuta prestatu dira, azken urteetan hainbat ikaslek HABEren azterketetan egindako idazlanetan oinarrituta. Atalez atal, ikasleak idazlana egituratzen ikasiko du, idazten hasi aurreko zirriborroa osatzen, eta testuaren kohesioa, aberastasuna nahiz zuzentasuna lantzen.

Proposatzen diren ariketak askotarikoak dira. Batzuetan, beste norbaitek idatzitako testuei erreparatzeko eskatuko zaio ikasleari, ondo egindakoetatik ikas dezan eta hobetu beharrekoak antzeman ditzan. Beste batzuetan, pista batzuk emango zaizkio idazlanaren zati bat osa dezan. Azkenik, ariketa batzuetan idazlana osorik idazteko eskatuko zaio.

Prezioa: ~~17,75~~ – 15,10 €



OTU

Karta jokoa

Zenbateraino egin dezake hegan zure irudimenak? Zenbateraino zara gauza ipuin-kontalari trebeenen mailan aritzeko? Bota kartak eta sortu istorioak! 70 karta, irudimena, hizkuntza, ahozketasuna... ludikoki lantzeko, eta batez ere, disfrutatzeko eta gozatzeko.

Kartak nahastu, egoki ikusten duzun kopuru bat hartu, eta kartak buruz gora jarrita ikusi zein irudi egokitu zaizkizun. Astindu burua eta mihia eta sortu nahi duzun istorioa, nahi adina luzatu daitekeena.

Prezioa: 15 - 12 €